



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-173-3/25**

Datum: **16.05.2025. godine**

«Agencija za vodno područje rijeke Save» Sarajevo (u daljem tekstu Agencija) rješavajući po zahtjevu Agencije, podnesenom putem «Sektora za realizaciju investicionih projekata» za donošenje Rješenja o prethodnoj vodnoj saglasnosti za vađenje materijala iz korita rijeke Bosne, na lokalitetu naselja Drivuša (neposredno nizvodno od mosta na M-17) u gradu Zenica, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Agenciji, daje se prethodna vodna saglasnost u svrhu provođenja daljih aktivnosti na dodjeli prava na vađenje materijala iz korita rijeke Bosne i izradi Elaborata za vađenja materijala iz korita rijeke Bosne, na lokalitetu naselja Drivuša (neposredno nizvodno od mosta na M-17) u gradu Zenica, koji obuhvata dio zemljišnih čestica označenih kao k.č. broj: 1587/1 K.O. Janjići i k.č. broj: 1365 K.O. Perin Han, grad Zenica.
2. Prethodna vodna saglasnost prestaje da važi ukoliko u roku od tri godine, od dana pravosnažnosti ovog rješenja, ne bude podnesen zahtjev za izdavanje vodne saglasnosti od strane pravnog lica kome bude dodijeljeno pravo na vađenje materijala.
3. Prethodna vodna saglasnost se daje na osnovu pregleda dokumentacije dostavljene uz zahtjev i uz zadovoljenje sljedećih uslova:
 - 3.1. Za namjeravano vađenje materijala iz korita rijeke Bosne na lokalitetu naselja Drivuša, (neposredno nizvodno od mosta na M-17) u gradu Zenica, potrebno je od strane pravnog lica kome bude dodijeljeno pravo na vađenje materijala pripremiti dokumentaciju – Elaborat vađenja materijala koji će sadržavati:
 - geodetska snimanja (ne starije od tri mjeseca) situacije i poprečnih profila riječnog korita (na rastojanju do 50,00 m) i uzdužne profile 1:100 ili detaljnije, koja se izводе preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja,
 - izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri,
 - tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remeti dinamika prirodnih procesa i prirodna ravnoteža ekosistema ili ne pospiješi štetno djelovanje voda,
 - dinamiku vađenja materijala (usklađenu sa ugovorenim rokom za završetak radova),
 - bilans masa materijala,
 - definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu,
 - na osnovu podataka iz katastarskog plana, na preglednoj situaciji obilježiti granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala,
 - deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra,
 - mogući uticaj na izvoriste pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova,
 - pregled postojećih korisnika vode sa vodotoka,
 - ocjena mogućnost nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.

- 3.2. Dinamika vađenja materijala treba da se vrši u periodu usaglašenom sa ribolovnim društvima iz Zenice, odnosno korisnikom ribolovnog prava na ovom ribolovnom području, vodeći računa o periodu mriještenja plemenite ribe.
- 3.3. Izvođač radova dužan je riješiti imovinsko-pravne odnose sa vlasnikom zemljišta za pristup lokalitetu vađenja materijala, kao i do lokaliteta za odlaganje izvađenog materijala, a prije vađenja materijala iz vodotoka.
4. Prije podnošenja zahtjeva za izdavanje vodne saglasnosti izvođač radova, sa kojim se sklopi Ugovor o izvođenju predmetnih radova, dužan je izraditi Elaborat za vađenje materijala iz vodotoka. Elaborat će se uraditi u skladu sa članom 5. stav (3) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), a isti treba da bude urađen od strane ovlaštenog pravnog lica, (lista «A») shodno Pravilniku o uslovima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08), te u skladu sa uslovima datim u tački 3.1. dispozitiva ovog rješenja.
5. Uz zahtjev za izdavanje vodne saglasnosti, u rokovima propisanim Ugovorom o vađenju materijala, treba dostaviti sljedeću dokumentaciju:
 - Elaborat izrađen u skladu sa uslovima iz tačke 3.1. dispozitiva ovog rješenja,
 - Ugovor o izvođenju predmetnih radova potpisan sa «Agencijom za vodno područje rijeke Save», Sarajevo,
 - Dokaz o izvršenoj uplati upravne takse u iznosu od 60 KM,
 - Ovjerena kopija rješenja o upisu u sudski registar i identifikacioni broj,
 - Saglasnost udruženja sportskih ribolovaca iz Zenice za vađenje materijala iz korita rijeke Bosne na predmetnom lokalitetu u periodu definiranom dodijeljenim ugovorom,
 - Kopija uvjerenja o poreznoj registraciji,
 - Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje Rješenja o vodnoj saglasnosti, potrebno je o istim obavijestiti ovu Agenciju (ugovornog organa), a u zahtjevu za izdavanje vodne saglasnosti navesti te okolnosti.

Obrazloženje

Podnosilac zahtjeva, «Agencija za vodno područje rijeke Save» Sarajevo putem «Sektora za realizaciju investicionih projekata» Agencije, je dostavio zahtjev dana 24.04.2025. godine za donošenje Rješenja o prethodnoj vodnoj saglasnosti za vađenje materijala iz korita rijeke Bosne, kao jednu od mjera za sprečavanje štetnog djelovanja voda na lokalitetu naselja Drivuša (neposredno nizvodno od mosta na M-17) u gradu Zenica, koji obuhvata dio zemljišnih čestica označenih kao k.č. broj: 1587/1 K.O. Janjići i k.č. broj: 1365 K.O. Perin Han, grad Zenica.

Uz zahtjev je dostavljena sljedeća dokumentacija:

- Kopija Aktuelnog izvoda iz sudskog registra broj: 065-0-RegZ-14-002716 izdatog dana 21.04.2014. godine od strane Općinskog suda u Sarajevu,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog dana 11.12.2012. godine od strane Službe za statistiku za područje Kantona Sarajevo,
- Kopija Uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o imenovanju komisije za uviđaj na licu mjesta u vezi rješavanja problematike vađenja materijala iz vodotoka Bosne na području grada Zenica broj: 30-377-1/25 od 21.03.2025.,
- Kopija Zapisnika komisije za uviđaj na licu mjesta u vezi rješavanja problematike vađenja materijala iz vodotoka Bosna na području grada Zenica od 14.04.2025. godine,
- Kopija Odluke broj: 30-377-6/25 o utvrđivanju potrebe za vađenja materijala iz vodotoka Bosna donesene dana 22.04.2025. godine od strane v.d. direktora AVP Sava na temelju izvršenog uviđaja na lokalitetima na području grada Zenica,

- Kopije katastarskog plana UR broj: 04-26-10-10616/2024-12 i broj: 04-26-10-10616/2024-13 izdatog dana 02.07.2024. godine od strane Službe za imovinsko-pravne, geodetske poslove i katastar nekretnina Grad Zenica,
- Kopija Zemljišnoknjižnog izvotka broj: 043-0-NAR-24-014108, ZKU broj: 2610 izdatog dana 09.07.2024. godine od strane Zemljišnoknjižnog ureda Općinskog suda u Zenici.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 05.05.2025. obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 07.05.2025. u dnevnom glasilu «OSLOBOĐENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

U cilju utvrđivanja činjeničnog stanja na terenu, aktom broj: 30-377-1/25 od 21.03.2025. godine formirana je Komisija za uviđaj na licu mjesta u vezi rješavanja problematike vađenja materijala iz vodotoka Bosna na više lokaliteta na području grada Zenica. Nakon uviđaja na terenu, Komisija je dana 14.04.2025. godine sačinila «Zapisnik komisije za uviđaj na licu mjesta u vezi rješavanja problematike vađenja materijala iz vodotoka Bosna na području grada Zenica» u okviru koga je dato stručno mišljenje i priložena foto dokumentacija sa kratkim opisom stanja na terenu i zaključkom za dalje postupanje. U stručnom mišljenju je konstatovano da, na lokalitetu naselja Drivuša (neposredno nizvodno od mosta na M-17) u gradu Zenica, po procjeni Komisije ima oko 2.000 m³ materijala za uklanjanje, te da treba pokrenuti postupak za uklanjanje istog iz korita rijeke Bosne.

Utvrđena količina je definirana u skladu sa članom 63. Zakona o vodama kojim je propisano da je «Vađenje materijala iz vodotoka dozvoljeno je u obimu i na način koji bitno ne mijenja prirodne procese, ne remeti prirodnu ravnotežu ekosistema ili ne pospješuje štetno djelovanje voda».

Na osnovu provedenog uviđaja na lokalitetu naselja Drivuša (neposredno nizvodno od mosta na M-17), grad Zenica, sačinjenog Zapisnika, stručnog mišljenja i foto dokumentacije, donesena je od strane AVP Sava Odluka o utvrđivanju potrebe za vađenja materijala iz vodotoka Bosne broj: 30-377-6/25 od 22.04.2025. godine, čime su se stekli uslovi za pokretanje upravnog postupka po službenoj dužnosti, a sve prema odredbama člana 6. Uredbe o načinu dodjele prava na vađenje materijala iz vodotoka («Službene novine Federacije BiH», broj 58/15).

Na osnovu priložene dokumentacije u kojoj je utvrđena potreba za vađenjem materijala iz korita rijeke Bosne na lokalitetu naselja Drivuša (neposredno nizvodno od mosta na M-17) u gradu Zenica, u procijenjenoj količini od cca 2.000 m³, u dispozitivu ovog Rješenja su utvrđeni uslovi kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za vađenje materijala pravnom licu kome bude dodijeljeno pravo na vađenje materijala, a sve u skladu sa članom 111. stav (1) Zakona o vodama, članom 5. stav (3) i (4) i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.ing.građ.



Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- AVP Sava – Sektor 30,
- ⓪ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava